

Nowam Yoan Leta Yoanımna İrıkı Nowam Leta Isıpkıta Yıtıkak

Onggityam leta ırıkı rıga re itmıktıjog rıga Yoante. İ ton onggıtyam leta yırıkıonj re yıpa sosi mopyamım pılwa na nyı da “Gaiyo”. Si ırıkı rıgat ma sobıjog e Gaiyond yesoureny tına yıım b'akawa mıle map rına re ton amnıkenınonj nında gar ke utkunda rıga wa pılwa. İ ket nonony yıtıkak agoniny yıpa negır rıga gatab nyı da “Dıyotrepe”.

Simesıme Yıtıkak

¹ Simesıme! Koina sıngı iyeni Gaiyo, kon nany rıgate mor itemb leta mırikaen. Kon ımınjog e men sıngı mıyenyın. ² Kor rıga yena re kon sıngı mıyenyın! Kon komkesa gatab yır opmitenyın da, man b'ogıl wımına okatenyıt dıde kopa kesa mıtibnyıt odede rıngma re moına wıngawınga b'ogıl wımına yokateny. ³ Mop nokıp kon ma sobıjog sam na aenond re nında gar ke utkunda nany dıde yıngganwar tuwonj dıde ton ket moına ımınjog mıle gatab yır ungata yıt apurento odede da man ımınjog yıtıkakım pılınate menon yokatenyıt. ⁴ Kon awır e kwa nangga gatab ma odede ukıojog sam yomnıkenenyın, ajı kon ukıojog sam e yomnıkenenyın, ra kon tutkundayın da koina gar ke utkunda b'ıgawar ımınjog yıtıkakım pılınasım menon yokatenyı.

Gaiyomna B'ogıl Mıle

⁵ Kor rîga yena re kon singi miyenyin! Man iminjog b'ogil mile e omnika yiyenyit ite re man gar ke utkunda nany dide yingganwar wa b'asowa mekenyit. I dide kwa onggityam mile ite re man obai amneninyit ten yepim re God ma b'ogil yirkokar bage yit pitapita omnena yiyenyi. ⁶ Si tonpiya moina singi b'iyena mile gatab yir ungata yit usenento dikind onggit sosind. Man b'ogla ten b'obogil yim takainyit dide man Godimna singi ririrind ten nyawind ingaena gasa ke temnikeninyit i ket tetmikeninyit ninda tungg nata menamenam. ⁷ Mop nokip re ton Kerisomna nyi map wuwenonj God ma obagiki rîga wa pilwa God ma b'ogil yirkokar bage yit warabag omnikam, ton b'ogla rako towa pilke yim b'akawa akatenento aji ton makwa nangga na emdenento towa pilke. ⁸ Si onggit paemb men b'ogla odede rîga b'obogil yim kumbind raramiteninum, nokim da idenat men iminjog yitkak map gilgil wiko rîga taindam.

Diyotrepe ake Dimetriyo

⁹ Kon kea peba yirikond sosim pilwa, aji Diyotrepet onggityam sowaina yit maka emjateninonj, nokip ton singi na da ton mopyam nyi okas onggit sosi wingirind. ¹⁰ Si onggit paemb ra kon neken, kon ita mong idngaen dem tina omniki mile gatab rina re ton negirjog yit ke sin yitkar nomnikeneninonj. Si ton ma onggit mile nena kena nony ririr aukenenonj, aji onggit rigat kea esaeneninonj gar ke utkunda nany dide yingganwar obai omnenam yepiya re God ma b'ogil yirkokar bage yit pitapita omnena yiyeneno.

I ton kwa riga agokeneninonj yepiya re singi aukenento ten obai omnenam, i dide ton kwa opimemb obai omnenam singi riga sosi ke eaukeneninonj.

¹¹ Kor riga yena re kon singi miyenyin! Man goro tataikeninim negirjog mile aji ina b'ogil mile nena. Yet ra b'ogil mile omnika teyeniny, ton re Godim pilkae. Aji yet ra negirjog mile omnika teyeniny, ton makwa ke Godind yir yongonj.

¹² Komkesa rigap Demetriyo gatab b'obogil yir ungata yit im opurena eyenanj dide kwa ita God ma iminjog yitkakit b'obogil emjateniny tina mile. I sidaka ti gatab b'obogil yir ungata yit im apurenendam. Si man wumir et da sowaina yir ungata yit re iminjog e.

Undwatapu Yitkak

¹³ Kor ma yipa kima yitkak im mornim irikam, aji kon ma singi en peba irika ke men yit omnenam. ¹⁴ Si kon singi en da kon wanakana neken men yir ongongim dide tugimjog ke men yit motinenyiny. ¹⁵ Ngimbla man kima. I kor rigawarip men madaemb yit momnenyi. Si madaka koina madaemb yit mera rigawar yipayipa tamneninyit.

Wipi Yit God ma Yina Sisil Yina Peba
The New Testament in the Wipi Language of Papua
New Guinea
Nupela Testamen long tokples Wipi long Niugini

Copyright © 2001 The Bible Society of Papua New Guinea

Language: Wipi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-10-13

PDF generated using Haiola and XeLaTeX on 11 Nov 2022 from source files dated 9 Oct 2020

a5a5213a-fb12-52b5-9c99-efb8044c6646